

Injil untuak anak-anak hadiah



Rut: Satu
Kisah Cinta



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Lyn Doerksen

Diterjemahkan oleh: Yulia Anggraini

Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



Kalau kau bisa batamu jo kakek buyuikmu, urang tuo dari kakek buyuikmu, urang tuo dari urang tuo kakek buyuikmu, dan sado urang yang ado sabalun kau ado dalam keluargamu, mungkin kau akan takajuik oleh karena kabaikan urang-urang itu. Dalam Alkitab salah surang nenek buyuik Yesus adolah Ruth - Urang Moab yang manyambah baralo.



Carito tantang Ruth dimulai di Israel
sasudah masonyo Simon, katiko umaik Tuhan
baranti mampicayoi dan manaati Tuhan. Kalaparan
manyarang tanah Israel. Apo kau tau apo kalaparan
itu? Batua bana! Kelaparan adolah katiko
dima indak ado buah-buahan atau
tanaman yang tumbuah dan
binatang-binatang dan
kadang-kadang manusia
mati karena kalaparan.



Ado surang laki-laki banamo Elimelekh, Maninggaan Betlehem jo istri dan duo urang anak laki-lakinyo, pai mencari makanan. Inyo pai ka Moab, satu nagara dima urang-urangnyo manyambah baralo.



Sagalo
sesuatunyo
indak bajalan elok untuak Elimelekh dan
keluarganyo di Moab. Inyo maningga diikuiki
duo urang anak laki-lakinyo.



Istrinyo Naomi, ditinggaan basamo
kaduo urang istri anaknyo, Rut dan
Orpa. Kaduo padusi ko dari Moab.



Naomi, kini saurang jando, mandanga kalau Tuhan alah mamparatian umaikNyo dan maagiah makanan ka urang-urang itu. Inyo mamutuihan untuak baliak katanah kalahirannyo. Tapi apo yang ka dikarajoan duo padusi istri anak-anaknyo itu? Naomi maanjuran mereka untuak

tingga di Moab dan manikah baliak.



Orpa baliak ka keluarganyo, tapi Rut manolak, malahan Rut mangatoan satu puisi indah yang manjanjian kalau inyo indak akan maninggaan mintuonyo.






Kawan-kawan lamo Naomi sangaik sanang mancaliak inyo baliak ka Yerusalem. Tapi inyo maminta urang-urang itu untuak mamanggihanyo Mara (Paik) dari pado Naomi (Manyanangan)

"Sabab yang maha kuaso alah mambuek banyak hal yang baik kapadoku," Naomi pulang jo tangan kosong. Kecuali Rut.



Walaupun Rut manyambah baralo bantuak urang Moab pado umumnyo, inyo babaliak darinyo untuak manyambah Tuhan Allah yang iduik, Allah Israel. Rut bakarajo kareh untuak mamastian Naomi mandapek cukuik makanan. Satiok hari inyo ikuik panyabik-panyabik di ladang dan maambiak bulir-bulir gandum yang tatingga.





Boas, urang yang punyo ladang itu mandanga sungguah eloknyo Rut ka ibu mertuanyo. Katiko inyo batamu Rut, Boas manolong Rut dengan mamarintahkan pengerja-pengerjanyo untuak maninggaan onggokan-onggokan gandum dibelakangnyo dengan sangajo. Boas mulai manyukoi Rut.





Katiko Rut
mangatoan ka
Naomi mengenai
Boas dan
kabaikannyo,
urang tuo itu
mamuji Tuhan.
"Urang itu
dunsanak awak,
inyolah salah
satu urang yang
harusnyo
manabuih kito."





Waktu taruih
bajalan, Boas
ingin manikahi
Rut dan
mamaliharo

tanah punyo keluarganyo. Tapi ado
keluarga lain yang labiah dakek,
urang-urang itulah yang mampunyo
pilihan partamo. Urang itu mainginan
tanahnyo tapi indak ingin manjadian
Rut sebagai istrinyo. Hukum disitu
mangatoan inyo indak bisa mandapekan
ciek tapi indak mainginan yang lain.



Pado masa itu, urang indak bajabat tangan untuak manyalasaan satu kesepakatan. Baos malapehan sabalah tarompa dan dimuko umum inyo maagiahan ka urang lain. Perjanjian alah ditetapkan. Rut akan manjadi istri Boas.




Kini inyo dan Naomi manjadi bagian dalam keluarga Boas.



Anak partamo Boas jo
Rut banamo Obed. Inyo
adolah kakek dari Daud.
Rajo gadang di Israel.



Tapi yang labiah luar biasa lai, bayi Obed adolah kakek buyuik dari Tuhan Yesus Kristus. Yesus datang melalui garih keluarga Daud untuak manjadi Rajo diateh sagalo Rajo dan Juru Salamaik dunia.



Rut: Satu Kisah Cinta

Sabuah carito dari firman tuhan, Injil

Didapekan di

Kitab Rut

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso ialah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko ialah sabuah kebenaran, kecekan iko kapado Tuhan: Ya Yesus, Ambo picayo bahwo Engkau ialah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

